

三河縣志卷之十二

人物志上

人材何地蔑有而地即以人傳人物固自有真也先進芳型春秋俎豆鄉賢其首重矣或稽之史乘或參之譜牒所以崇功德勵風教者善美固無瑕累若夫庸德義聲增輝閭里文章彪炳著作滿家者區而類之春華亦與秋實兼收焉志人物

鄉賢

金

劉 樞字居中通州三河人少以良家子從軍屯河間同輩皆騎射獨樞刻意經史天眷二年成進士仕唐山主簿轉飛狐令時蔚州刺史恃功貪污屬邑苦之樞一無所應刺史乃摭以他

三河縣志

卷十二

人物志上 鄉賢

一

事將置之死繫獄中郡人有憐樞者脫樞走訴於朝會廉察使至守倅皆以罪廢樞獨入優等特遷奉直大夫張浩營燕京樞分治宮室之役遷刑部員外郎鞫治太原尹徒單阿里虎山反狀旬日獄具轉工部郎中晉本部侍郎正隆末從軍江上大定初出爲南京轉運使嗣轉山東路轉運使又轉中都路轉運使大定四年卒於官

馬伯祿字天錫柔德子孝事繼母以詞賦登大定三年進士仕武清主簿轉龍山令召補尚書省令史不就改平陽府判官入爲國子博士朝廷以宰縣日多治績特遷同知北京路轉運使委錄南北路刑獄所至無冤入爲戶部員外郎中都路推排使明昌初遷耀州刺史吏民畏愛提刑以狀聞授同知安武軍節

度使提刑復舉廉陞孟州防禦使再遷南京提刑使御史臺以  
剛正廉幹聞轉知河中府承安四年致仕卒謚貞忠

明

郭習中洪武丁卯舉人任河南府教授考績稱最陞山西沁州  
知州晉刑部郎中累官江西左參政

喬 友居家以孝聞丰度魁梧音聲宏亮通經術工書算沉毅  
剛直推重鄉評永樂中以人材舉授揚州府經歷

簫 銳成化丙午舉人恬靜剛方言笑不苟仕懷慶府通判丈  
地均糧郡屬蒙惠委修孟縣黃河工不辭辛瘁二年民田無水  
患署修武縣值流寇攻城率衆捍禦城賴以全歷任九年一塵  
不染以不諧俗解組歸里杜門謝客雖市廛未常一至焉

三河縣志

卷十一

人物志上 鄉賢

二

邢 昭字仲明邑人謹之子宏治丙辰進士授洪洞縣尹儀度  
莊嚴操持廉介不煩不擾事治民安擢浙江道監察御史去之  
日百姓攀轅泣下按鹽浙江守正不阿以忤逆瑾庭杖一百不  
死人稱鐵鑄邢昭謫高平令瑾誅復官仕至河南汝寧府知府  
劉 金宏治乙未進士授樂安令擢貴州道監察御史人稱鐵  
面因忤逆瑾謫桃源縣丞瑾誅陞南京禮部主事歷官山西左  
參議

蕭 選字廷舉邑人登宏治己未進士爲整屋令摘發幽伏人  
以包孝肅目之爲立生祠因與巨璫抗禮左遷揚州衛經歷擢  
獲嘉令晉山西道監察御史巡鹽河東爲國裕課除寇安民累  
官都察院右僉都御史

王楠本萬戶應襲不屑武弁刻志詩書登嘉靖戊戌進士仕禮部主事歷官尚寶寺丞南京大僕寺卿賦性端方清操絕俗罷職歸田晏如也

喬伊嘉靖丙辰進士仕安慶府推官明刑慎獄一時呼喬青天特遷南京戶部郎中值兵變毅然馳赴軍中曉以禍福衆始帖然後以同事排擠罷職歸如寒素居鄉敦厚誼循古道人以長者稱之

張文運性狷介少嗜好學有志操登萬歷癸丑進士仕修武令以才堪治劇調輝縣再歷陽城所在化行教孚履盤錯而裕如治爲最擢禮部精膳司主事卒於途有才而未竟其用士論惜之

三河縣志

卷十二

人物志上 忠節

三

忠節

明

儲福燕山衛軍今歸北吾山社年二十歲頗好義靖難兵入挈母妻逃匿成祖即位詔購戍卒入伍福在錄中仰天嘆曰我雖一介賤卒義不爲畔逆之臣在舟中日夜泣不輟竟不食死李恭王會社人正統間例貢任鴻臚寺序班隨正統北征土木之變周旋不離左右卒死於難景泰三年特贈徵仕郎光祿寺大官署丞錫勅命仍廕其子李璟爲太學生

朱國彥萬歷庚戌武進士授薊鎮三屯營總兵崇禎中值逆闖之變副將朱來等夜遁公怒甚榜逃將於市同夫人北拜自縊死

孝友

金

馬柔德翰林修撰母早卒事繼母以孝聞

明

滑 忠大寧衛旗永樂間割股救父有司題請旌表

劉 芳增廣生事母至孝詔旌匾其門曰孝友誼儒芳篤學至老弗倦卒之日托夢於同里羅生曰吾雖爲蠹書魚吾孫爲開天斧矣時崇禎癸未年也羅生醒不能解歲乙酉本朝第一科芳長孫瑞遠年十九獲雋宋撫軍顏其第曰開天桂斧孝德之報蓋不爽矣

李棟陞邑廩生事繼母以存聞學使獎之以風一邑

三河縣志

卷十二

人物志上 孝友

四

張氏妙清工部員外郎李瑄妻姑薄氏性嚴氏曲盡孝養得其歡心姑病篤氏籲天割股襍湯藥以進病尋愈

清

田 沂邑增生事繼母以孝聞學使給額獎之

趙秉衡歲貢生事親至孝院道以文行並優獎之

張鴻勳邑增生以孝友稱道憲旌匾其門曰張仲同芳

劉建啓武生事母以孝值母疾篤割股襍藥進之母病尋愈縣尹表其門曰純孝可風

王大保本縣民母得暴疾家貧不能服藥割股肉煎湯以進母口噤不能食復瀝血以飲母病即愈

文苑

明

盧友竹丰神爽朗肆力百家孝友無間言周人之急惟恐不及萬歷丙午領鄉薦始仕盧龍教諭累官廣西按察使凡十一任所在著績士民愛之其備兵冀南岢嵐時雲中太原兩撫交章爭之爲邊才最政餘手不釋卷著書皆有關經濟嘗引年大吏重其才留之復自爲疏以上亦不許年六十有五卒於官臨歿手猶搦管著書未竟也所著武庫千秋鑑進呈留覽又有彝倫法戒錄衛兵緒論盧氏家訓等書

馮三元少穎悟讀書成誦不忘登萬歷庚戌進士任平原令有治績擢監察御史按鹽兩浙弊絕風清歷官都察院副都御史居嚴官厲人不敢干以私及○○○○亦不以私干人然偏

三河縣志

卷十二

人物志上 文苑

五

聽自用曾附○○熊廷弼無謀世以此短之

清

朱國俊字冰壺資性穎慧博古好學登賢書值本朝定鼎成順治丙戌進士授五臺令未一載以事被謫士民涕泣留爲營室治具國俊恐違人情遂暫焉執經問字者接踵而至後歸士民泣送數十里及抵舍敝廬數椽恬淡自如屢銓不赴種竹蒔花坐嘯其下把酒長吟有瀟然塵外意焉

劉瑞遠字瑞伯號頓齋態度雋偉雅好詩書順治乙酉領鄉薦任灤州牧政事之暇手不釋卷著有勤榮堂集八十一卷頓齋摧稿方玉集刊板行世

胡繼芳字生華號澹雲天性孝友丰神卓越登順治癸酉賢書

方弱冠丁亥中會副仕樂亭教諭遷修武令拓地招民教養備至擢南城兵馬司指揮累遷常州府同知致仕歸與弟應徵課子論文灑如也所著有晚香堂詩集及易經講義等書

胡應徵子德陞號芝山賦性聰異日誦千言登順治丙戌進士授羅田令甫半載值逆顯之變解組歸田怡情詩酒所行未盡所學識者惜之

義行

明

張明本邑人正德時武進士官左都督弟蘭官都督同知以城南沟河每遇夏秋潦水泛溢民苦利涉捐貲萬餘屬指揮同知趙昶督其事正德十一年橋成名永濟至今賴之

三河縣志

卷十二

人物志上 義行

六

楊乙廩生設帳受徒不計修之有無實心訓迪一時里中子弟魚雅者多出其門

劉餘慶邑增生性倜儻有膽略明末高閹縱兵淫掠值夜過境欲入城婦人聞之驚匿餘慶獨登陴拒之揚聲對閹曰汝戰將非守將城已得其守矣不屈不懼閹聞言去閹城德之

清

孫宏秀賦性謹厚樂施捨隣佑親歿不能殮及既聘不能娶者必資助之隆冬遇貧寒人解衣衣之歲饑窮民過境者與之壺殮貺以衣晨值賣柴老幼者高價買之俾早寧家每逢米貴輒出米減價以賣之竟即以其價輪番貴糴賤糴見赤貧者并不索值鄉里迄今稱之

郝應選字舜臣質地淳樸周急濟貧力行恐後喪施槽櫬貧資  
嫁娶無親疎遠近有求必副施粥療饑無問寒暑者數十年鄉  
里目爲善人壽至九十而終